

Mohd Amirul Kasyful Nur bin Zulkifli

From: Unit Komunikasi Korporat
Sent: 31 Mac 2017 14:25
To: UUM - All Staff; UUM - All Students; Staf - Pesara UUM
Subject: Naib Canselor Pengerusi Mesyuarat Antara MPM Dengan Pengarah Pendidikan Negeri



Unit Komunikasi Korporat
CORPORATE COMMUNICATION UNIT
Universiti Utara Malaysia



31 MAC 2017 / 3 REJAB 1438H

=====

"UUM : UNIVERSITI PENGURUSAN TERKEMUKA"
(THE EMINENT MANAGEMENT UNIVERSITY)

Oleh: Mohd Amir Aizat Sainon

Gambar oleh: Shamsaimi Ezil

NAIB CANSELOR PENERUSI MESYUARAT ANTARA MPM DENGAN PENGARAH PENDIDIKAN NEGERI



UUM ONLINE: Naib Canselor, Prof Dato' Seri Dr Mohamed Mustafa Ishak hari ini mempengerusikan mesyuarat Antara Majlis Peperiksaan Malaysia (MPM) Dengan Pengarah Pendidikan Negeri di EDC Hotels and Resorts.

Mesyuarat yang julung kalinya diadakan itu dihadiri Pengarah-pengarah Pendidikan Negeri, pegawai-pegawai dari Kementerian Pendidikan dan Kementerian Pendidikan Tinggi bagi membincangkan isu-isu berkaitan Tingkatan 6 dan Sijil Tinggi Persekolahan Malaysia (STPM).

Naib Canselor yang juga Pengerusi MPM berkata mesyuarat tersebut merupakan kali pertama diadakan sejak MPM ditubuhkan pada 1980.

"Banyak perubahan yang berlaku dalam standard dan kaedah peperiksaan STPM justeru ada beberapa perkara yang MPM perlu jelaskan secara langsung kepada Pengarah-pengarah Pendidikan Negeri bagi memberi maklumat terkini berkenaan isu-isu Tingkatan 6 dan STPM agar langkah, perancangan dan tindakan yang sewajarnya dapat diambil untuk memastikan proses pembelajaran Tingkatan 6 dan STPM di sekolah dapat berjalan lancar," ujarnya.

Antara isu yang dibincangkan MPM dalam mesyuarat ini ialah peperiksaan Malaysian University English Test (MUET), pelaksanaan peperiksaan percubaan atas talian yang boleh diambil pelajar sebagai latihan bagi menghadapi peperiksaan yang sebenar dan kemasukan ke universiti.

Hadir sama Ketua Eksekutif MPM, Mohd Fauzi Mohd Kassim; Timbalan Setiausaha Bahagian Kewangan, Kementerian Pendidikan Malaysia (KPM), Norazman Abdul Rahman; Pengarah Bahagian Kemasukan Pelajar, UPU, Mazula Sabudin; Timbalan Pengarah Peperiksaan (Operasi) Lembaga Peperiksaan Malaysia, Hajah Johara Abdul Wahab; Ketua Penolong Pengarah Sektor Pengurusan Akademik Tingkatan Enam, Dr. Rodiah Idris; Ketua-ketua Sektor Penilaian dan Peperiksaan, Jabatan Pendidikan Negeri seluruh Malaysia dan pegawai-pegawai kanan dari MPM, KPM, JPN dan UUM.



Universiti Utara Malaysia Official Website <http://www.uum.edu.my>

Disclaimer: This e-mail (including any attachments) may contain confidential information. If you are not the intended recipient, you are hereby notified that any review, distribution, printing, copying or use of this e-mail is strictly prohibited. If you have received this e-mail in error, please notify the sender or Universiti Utara Malaysia (UUM) immediately and delete the original message. Opinions, conclusions and other information in this e-mail that do not relate to the official business of UUM and/or its group of companies shall be understood as neither given nor endorsed by UUM and UUM accepts no responsibility for the same. All liability arising from or in connection with computer viruses and/or corrupted e-mails is excluded to the fullest extent permitted by law.